

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Vesperale continens antiphonas et hymnos ad solennes
vesperas ... et alias ... iuxta ritum in Mon D. Ett. M.
hactenus ustatum sub regimine - Cod. Ettenheim-Münster
16**

Augustinus, Aurelius

[S.l.], 1742

Appendix pro festo S. Agatheum

[urn:nbn:de:bsz:31-107561](https://nbn-resolving.org/urn:nbn:de:bsz:31-107561)

APPENDIX.

Pro Festo

S. AGATHÆ V&M.

Hac die fit Missa Solemnis votiva, in cuius initio datur benedictio cum Ss. Sacramento ad verba Tantum ergo: ^{nec} manetq; expositum Ss. Sacramentum. Missa ad finem deducta fit Processio cū Ss. Sacramento intra claustrum, postquam reposito Sacramento, ad gradus altaris dicuntur Sequentes

V. Panem de cælo præstitisti eis. cum Alleluia ante Septuages:

R. Omne delectamentum &c.

V. Ora pro nobis S. Agatha. R. Ut digni p.

V. Domine exaudi orationem p. R. Et clamor p.

V. Dominus vobiscum. R. Et cum Spiritu tuo.

Oremus .

DEus, qui nobis sub Sacramento mirabili passionis tuæ memoriã reliquisti: tribue quæsumus, ita nos corporis, et Sanguinis tui sacra mysteria venerari: ut redemptionis tuæ fructum in nobis iugiter sentiamus .

Deus, qui inter cetera potentie tuæ miracula etiam in sexu fragili victoriam martyrū contulisti: concede propitig, ut qui beatæ Agathæ Virginis, et

martyris tuæ natalitia cõlimus, per eius ad
te exẽmpla gradiamur. Per Dominum.

R. Amen.

*Demum facta incensatione datur benedictio
incipiendo et dicendo*

more solito

V. Adiutorium nostrum in nomine Domini.

R. Qui fecit &c.

V. Sit nomen Domini benedictum.

R. Ex hoc nunc &c.

Benedictio Dei Omnipotentis Pa^{tr}is, et
Fili^j et Spiritus^s sancti descendat super
nos, et maneat semper. *R.* Amen.

Pro

SOLENNI GRATIARVM ACTIONE

*quæ fit Dominicâ post festum S. Othmari
abb. Hic pariter post Missam solemnem
ordinatur Processio intra claustrum cum SS.
Sacramento, cum quo in initio Missæ datur
Benedictio, neutiquam tamen manet expositum.
Processione ad finem deducta, et reposito in
altari Sacramento intonatur Te Deum lau-
damus. Postea dicuntur*


V. Benedicamus Patrem et Filium cum S. Spiritu.

R. Laudemus et superexaltemus eum in sæcula.

V. Panem de coelo præstitisti eis Alleluia.

R. Omne delectamentum in se habentem Allel.

V. Domine exaudi orationem meam. *R.* Et clamor.



V. Dominus vobiscum. V. Et cum spiritu tuo.

Oremus.

Deus, cuius misericordiae non est numerus, et bonitatis infinitus est thesaurus; piissimae maiestati tuae pro collatis donis gratias agimus, tuae semper clementiam exorantes: ut qui petentibus postulata concedis, eosdem non deserens ad praemia futura disponas. Per Dominum.

Et fit Benedictio more consueto.

Pro Festo

SS. CORPORIS CHRISTI.

Peracto solempni Missae sacrificio inchoatur Processio &c. Ad stationem primam cum perventum fuerit, reponitur Ss. Sacramentum in altari ibidem disposito, ac incensatur. Postea legit Diaconus Primum Evangelium infra ad Stationem I. positum: quo decantato et incensato ab Abbate, aut alio eius loco, dicuntur sequentia:

V. Panem de caelo praestitisti eis, Alleluia.

R. Omne delectamentum in se habentem, Allel.

V. Dominus vobiscum. R. Et cum spiritu tuo.

Oremus.

Deus, qui nobis sub Sacramento mirabili, passionis tuae memoriam reliquisti: tribue quaesumus, ita nos corporis et sanguinis tui sacra mysteria venerari: ut redemptionis fructum in nobis iugiter sentiamus. Qui vivis et regnas cum Deo Patre in unitate.

Tunc facta incensatione datur benedictio dicendo
V. Adiutorium nostrum in nomine Dñi. R. Qui fecit.
V. Sit nomen Dñi benedictum. R. Ex hoc nunc &c.
Benedictio Deij Omnipotentis Pa^{tr}is, et Fi^{li}i,
et Spiritus ^{sancti} descendat super nos, et
maneat semper. R. Amen.

Statio I.^{ma}

Observatis supra annotatis legitur sequens
Evangelium versus Orientem.

*I*nitium S. Evangelii secundū Matthæum.
 Liber generationis Iesu Christi, filii David,
 filii Abraham. Abraham genuit Isaac, Isaac autē
 genuit Iacob. Iacob autem genuit Iudam et fra-
 tres eius, Iudas autem genuit Phares et Zaram
 de Thamar. Phares autem genuit Esrom, Esrō
 autem genuit Aram. Aram autem genuit Ami-
 nadab, Aminadab autem genuit Naāsson. Na-
 āsson autem genuit Salmon, Salmon autem
 genuit Booz de Rahab. Booz autem genuit
 Obed ex Ruth, Obed autem genuit Iesse. Iesse
 autem genuit David Regem: David autem
 Rex genuit Salomonem, ex ea quæ fuit Uriæ.
 Salomon autem genuit Roboam, Roboam autē
 genuit Abiam. Abias autem Asa, Asa autem
 genuit Iosaphat. Iosaphat autem genuit Ioram,
 Ioram autem genuit Oziam. Ozias autem
 genuit Ioatham, Ioatham autem genuit Achaz.

Achaꝝ autem genuit Ezechiam, Ezechias autem
 genuit Manassen. Manasses autem genuit Amon,
 Amon autem genuit Iosiam. Iosias autem genuit
 Iechoniam et fratres eius in transmigratiōe Ba-
 bilonis. Et post transmigratiōem Babilonis, —
 Iechonias genuit Salathiel. Salathiel autē genuit
 Zorobabel, Zorobabel autem genuit Abiud. Abiud
 autem genuit Eliacim, Eliacim autem genuit Azor.
 Azor autem genuit Sadoc, Sadoc autem genuit
 Achim, Achim autem genuit Eliud, Eliud autē
 genuit Eleazar. Eleazar autem genuit Mathan,
 Mathan autem genuit Iacob. Iacob autem
 genuit Ioseph virum Mariæ: de qua natus
 est IESUS, qui vocatur Christus.

Statio II^{da}

Evangelium hoc legitur versus meridiem.

Initium S. Evangelij secundū Marcum.

Initium Evangelij IESU Christi Filii Dei,
 sicut scriptum est in Isaia Propheta. Ecce
 ego mitto angelum meum ante faciem tuam:
 qui preparabit viam tuam ante te. Vox claman-
 tis in deserto: Parate viam Domini, rectas
 facite semitas eius. Fuit Ioannes in deser-
 to baptizans, et predicans baptismum poeni-
 tentiæ in remissionem peccatorum. Et egre-
 diebatur ad illum omnis Iudææ regio, et —

Ierosolimitæ univérſi: et baptizábantur ab illo in Iordánis flúmine, cofiténtes peccáta ſua. Et erat Ioánnes veſtitus pilis caméli, et Zona pellicea circa lumbos eius: et locuſtas et mel ſilvéſtre edébat, et prædicábat dicens: Veniet fórtior me poſt me, cuius non ſum dignus — procumbens ſólvere corrigiam calceamentorū eius. Ego baptizo vos aqua, ille verò baptizábit vos Spiritu ſancto.

Statio III^{tia}.

Evangelium legitur verſus Occidentem.

Initium S. Evangelii ſecúndum Lucam.

Fuit in diébus Herôdis regis Iudææ, ſacerdos quidam nómine Zachariás, de vice Abia: et uxor illius de filiabus Aaron, et nomen eius Eliſabeth. Erant autem juſti ambo ante Deum, incedéntes in ómnibus mandátis et juſtificationibus Dómini ſine queréla. Et non erat illis filius, eo quòd eſſet Eliſabeth ſtétilis, et ambo proceſſiſſent in diébus ſuis. Factum eſt autem cum ſacerdotio fungerétur Zachariás in órdine vicis ſuæ ante Deum: ſecúndum conſuetúdinem ſacerdotij, ſorte exút ut incénſum póneret, ingrèſſus in templū Dñi. Et omnis multitúdo populi erat orans foris, hora incénſi. Appáruit autem Ángelg Dómini,

Stans à dextris altaris incensi. Et Zacharias turbatus est videns: et timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua. Et uxor tua Elisabeth pariet tibi filium et vocabis nomen eius Ioannem. Et erit gaudium tibi et exultatio, et multi in nativitate eius gauderunt. Erit enim magnus coram domino, et vinum et siceram non bibet: et Spiritu sancto repleretur adhuc ex utero matris suae, et multos filiorum Israel convertet ad Dominum Deum ipsorum. Et ipse praecedet ante illum in spiritu et virtute Eliae: ut convertat corda patrum in filios, et incredulos ad prudentiam iustorum, parare Domino plebem perfectam.

Statio IV.^{ta}

Initium S. Evangelij secundum Ioannem.


In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil, quod factum est. In ipso vita erat, et vita erat lux hominum: et lux in tenebris lucet, et tenebrae eam non comprehenderunt. Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat

ille lux, sed ut testimónium perhibéret de lumine. Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est: et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri: his qui credunt in nómine eius. Qui non ex sanguínibg neque ex voluntáte carnis, neque ex volun-
táte Viri: sed ex Deo nati sunt. Et Verbum caro factum est, et habitávit in nobis. Et vidimus glóriam eius, glóriam quasi uni-
géniti à Patre plenum grátiae et veritátis.

Pro Festo

RESVRRECTIONIS DNI.

Media nocte horá duodecimá auditá, et compulso finito proceditur ad medium Altaris Summi, aperto Tabernaculo incensatur SS. Sacramentum, quo accepto stando versus populum intonatur idiomate vulgari:



Christ ist er stan den. quam cantilenam posequitur chorus: Ad ultima verba Erstanden ist ꝑ. fit Benedictio in silentio: demum incensatur SS. Sacramentum

*et reponitur in tabernaculum . Interim finito
Cantu à Choro dicitur*

V. In resurrectione tua Christe, Alleluia.

R. Cœli et terra lætentur, Alleluia.

Oremus.

Deus, qui hodierna die per unigenitum
tuum, æternitatis nobis aditum devicta morte
relerasti : vota nostra, quæ prævenièdo aspi-
ras, etiam adiuvando profèquere . Per eum-
dem Dominum nostrum .

Sequitur Matutinum in Choro .